

ক্যাসিনোর প্রয়োজনীয়তা

Asif Adnan

September 22, 2019

1 MIN READ

দীর্ঘদিন থেকে শুনছি, পর্নোগ্রাফির বিরুদ্ধে বলবেন না। পর্ন বন্ধ হলে ছেলেপেলে রাস্তাঘাটে রেইপ করে বেড়াবে।

বছরখানেক ধরে সৌদি আরবে সিনেমা হল চালু করার পেছনে এক বিস্ময়কর প্রজ্ঞার কথাও জেনেছি। সিনেমাহল না খুললে ছেলেপেলে নাকি পর্ন দেখবে।

কিছুদিন যাবত দেখছি পতিতালয়ের সংখ্যা বাড়ানোর পক্ষে ঢাকা বিশ্ববিদ্যালয়ের এক অধ্যাপকের বক্তব্য। পতিতালয় জাতীয় 'আউটলেট' না থাকলে ছেলেপেলে ধর্ষন করবেই। ধর্ষন কমাতে হলে পতিতালয় বাড়াতে হবে।

আজ শুনলাম ক্লাবে তাসখেলা বন্ধ করা যাবে না। তাসখেলা বন্ধ করলে ছেলেপেলে রাস্তায় ছিনতাই করে বেড়াবে।

মাদক নিয়ে এখনো এমন কিছু শুনিনি, তবে শোনা উচিত ছিল। মাদক নিতে না দিলে ছেলেপেলে মানুষ খুন করবে – এটুকুকিন্তু বলাই যায়। ঐশী থেকে শুরু করে এমন অনেক কেইস আছে।

তাস খেলতে না পারলে ছিনতাই করা, সিনেমা দেখতে না পারলে পর্ন দেখা, পর্ন দেখতে না পারলে পতিতালয়ে যাওয়া, পতিতালয়ে যেতে না পারলে রেইপ করা এই 'ছেলেপেলে'দের জন্য সবচেয়ে দরকারী জিনিষ আসলে ক্যাসিনো। একইসাথে, একই ছাদের নিচে পর্ন, পতিতা, মদ, মাদক এবং জুয়ার ব্যবস্থা। বাদ যাবে না কোন কিছু।

সম্ভবত এ ক্যাসিনোগুলো আছে দেখেই আমাদের সমাজ এখনো টিকে আছে, নইলে অনেক আগেই হয়তো রাস্তাঘাটে কামড়াকামড়ি করে সবাই ধ্বংস হয়ে যেত।